

| | | | |
|------------|---|-------------|---------------------|
| Headline | Pasar tani hambar: Peniaga harap ada penyelesaian | | |
| MediaTitle | Sinar Harian (Johor) | | |
| Date | 18 Apr 2018 | Color | Full Color |
| Section | News | Circulation | 160,000 |
| Page No | 17 | Readership | 509,000 |
| Language | Malay | ArticleSize | 261 cm ² |
| Journalist | N/A | AdValue | RM 1,828 |
| Frequency | Daily | PR Value | RM 5,485 |



Pasar tani hambar: Peniaga harap ada penyelesaian

SEGAMAT - Kira-kira 20 peniaga pasar tani Segamat di sini berharap beberapa isu yang dihadapi mereka seperti kekurangan tempat letak kenderaan dan kurang promosi yang menyebabkan pengunjung terus berkurangan, dapat diberikan perhatian pihak berwajib.

Mohd Lani Ismail, 64, berkata, kedudukan pasar yang kurang strategik mungkin juga antara faktor ia tidak mendapat sambutan orang ramai sejak empat tahun kebelakangan ini.

Menurutnya, dahulu dia

mampu memperoleh RM3,000 sebulan hasil jualan parang dan golok.

"Sekarang, nak kutip RM1,000 sebulan pun susah. Jadi, saya harap pihak berwajib lihat perkara ini bagi kembalikan semula zaman kegemilangan pasar ini," katanya ketika ditemui di tapak pasar, baru-baru ini.

Bagi Sarah Karim, 63, pihak berwajib mungkin terlepas pandang dengan keperluan dan masalah yang dihadapi peniaga di situ.

"Kadang-kadang, makcik terpaksa balik dengan hasil



Mohd Lani memohon pihak berkuasa tingkatkan promosi bagi menarik semula minat orang ramai berkunjung ke pasar segar tersebut. - foto: BERNAMA

jualan hanya RM10. Jadi, kalau boleh sediakanlah tapak baharu memandangkan tapak sedia ada tidak selesa untuk dikunjungi, lebih-lebih lagi ketika musim hujan," katanya yang tinggal di Felda Pemanis.

Sementara itu, seorang pengunjung yang hanya ingin dikenali sebagai Mat, 61, berkata, dia sering membeli barang keperluan harian di pasar tersebut sejak lapan tahun lalu.

Bagaimanapun, dalam tempoh tersebut, dia dapat

melihat kemeriahan pasar tani itu semakin pudar dan mungkin disebabkan masyarakat ada pilihan tempat lain untuk berbelanja.

"Namun saya tetap memilih pasar tani ini kerana barang basah segar dan harga berpatutan. Cuma, masalah utama pengunjung adalah tempat untuk meletakkan kenderaan terhad.

"Pada saya, elok juga tapak pasar tani ini dipindahkan ke tempat baharu yang lebih selesa," katanya. - Bernama



Sarah cadangkan agar wakil rakyat kawasan Segamat memindahkan tapak pasar tani ke tempat baharu.